



Tingkatkan perpaduan dan keamanan negara

Darussalam mempunyai Pasukan Polis Diraja Brunei bagi memastikan keselamatan, kesejahteraan dan keamanan rakyat dan penduduk negara ini sentiasa terjamin. Pasukan polis juga memikul amanah yang berat dalam mengesan dan membanteras kegiatan jenayah, menangkap dan mendakwa para pesalah serta berperanan mengumpul maklumat risikan keselamatan pada setiap masa. Dengan peredaran masa dan zaman teknologi maklumat dan informasi, maka pelbagai jenis jenayah dan teknik penipuan yang canggih memberi cabaran besar kepada keupayaan dan kecekapan pasukan polis. Oleh itu, kerjasama dan kesepakatan yang padu di antara polis dengan agensi-agensi penguatkuasaan keselamatan dan pihak-pihak yang berkepentingan dan yang lebih penting ialah kerjasama daripada masyarakat adalah sangat diharapkan.

Perlu diingati bahawa jenayah merupakan ancaman kepada negara, selain usaha untuk mengurangkan kadar jenayah dan juga menjaga keselamatan sempadan negara, tugas pasukan polis juga diperluaskan sesuai dengan perubahan masa dan teknik terbaharu yang digunakan oleh para penjenayah seperti sindiket dadah, jenayah *cyber*, penyeludupan manusia, sindiket pelacuran, kegiatan judi dalam talian dan sebagainya. Oleh itu, kerjasama masyarakat sebagai pemantau sukarela yang berperanan menjadi mata dan telinga pihak berkuasa bukan sahaja mewujudkan perpaduan erat dan suasana aman dan harmoni malahan kerjasama dan perkongsian maklumat itu dapat membantu dalam mengesan dan menurunkan kadar jenayah serta mempercepatkan penyelesaian kes jenayah. sebagaimana Firman Allah Subhanahu Wata'ala dalam Surah Al Maa'idah, ayat 2 :

Tafsirnya : "Dan tolong-menolong kamu dalam kebajikan dan ketakwaan dan janganlah tolong-menolong dalam dosa dan permusuhan (melanggar hukum-hukum Allah). Dan bertakwa kepada Allah, sesungguhnya Allah sangat berat seksanya."

Kebelakangan ini kita telah menerima beberapa maklumat sama ada berbentuk maklumat atau amaran yang disalurkan atau diedarkan melalui media sosial, iaitu aplikasi Whatsapp, Facebook, Twitter dan sebagainya. Sebagai pengguna hendaklah berhati-hati kerana dikhuatiri ada pihak yang menyalahgunakan media sosial tersebut sebagai saluran untuk menabur fitnah, menghasut dan menimbulkan konflik atau kekecohan yang boleh mengancam keharmonian dan mengganggu gugat ketenteraman awam, bangsa dan juga negara. Oleh itu, diingatkan kepada pengguna yang memberi pendapat hendaklah sentiasa berwaspada ketika menyuarakan pandangan atau pendapat kerana tidak semua yang kita dengar atau lihat itu seratus peratus betul. Carilah kesahihan atau kebenarannya terlebih dahulu kerana dikhuatiri pandangan atau pendapat tersebut boleh memecah belahkan masyarakat dan mengugat keamanan negara. Sebagaimana sabda Rasulullah Sallallahu Alaihi Wasallam :

Maksudnya : "Daripada Abdullah dia berkata, Rasulullah Sallallahu Alaihi Wasallam bersabda : Sesungguhnya bohong itu membawa pada kemaksiatan, dan kemaksiatan akan membawa pada neraka, sesungguhnya seseorang yang biasa berbohong maka dia akan di catat sebagai pembohong."

Antara cara kerjasama dan sokongan kepada pasukan polis adalah menerusi kejiranan kampung, iaitu program kejiranan yang

melibatkan kampung-kampung semua daerah. Ia adalah usaha pasukan polis dalam melahirkan kerjasama dan mengeratkan perhubungan bersama orang ramai bagi mencegah dan mengurangkan kes-kes jenayah. Orang ramai berperanan penting dalam memberikan kerjasama yang padu seperti melaporkan sebarang perkara-perkara yang mencurigakan kepada pasukan polis. Dengan adanya kerjasama yang erat sebegini boleh membawa kepada kesejahteraan dan keamanan negara yang berterusan sebagaimana yang diimpikan oleh setiap rakyat, penduduk dan negara.

Marilah kita sama-sama meningkatkan rasa syukur ke hadrat Allah Subhanahu Wata'ala kerana dengan perlindungannya juga negara kita berada dalam keadaan aman, makmur, tenteram dan selamat. Oleh itu, sama-samalah kita berusaha terus mengekalkan nikmat keamanan ini, menjaga dan membanteras jenayah, kemungkaran dan apa jua perkara-perkara yang boleh mendatangkan persengketaan dan pertelingkahan. Semoga dengan yang demikian kita dan negara kita akan sentiasa di dalam nikmat perlindungan dan ramah Allah Subhanahu Wata'ala. Amin Yaa Rabbal Alamin.

Surah Ali 'Imran, ayat 103 :

Tafsirnya : "Dan berpegang teguhlah kamu dengan tali (Agama) Allah, dan janganlah kamu bercerai dan ingatlah nikmat Allah kepada kamu ketika kamu bermusuhan-musuhan (semasa jahiliah dahulu), lalu Allah menyatukan antara hati kamu dengan nikmat agama Islam, maka menjadilah kamu dengan nikmatnya itu (orang-orang Islam) yang bersaudara."

MARILAH kita meningkatkan ketakwaan kita kepada Allah Subhanahu Wata'ala dengan penuh keyakinan dan keikhlasan dengan melakukan segala suruhan-Nya dan meninggalkan segala larangan-Nya. Mudah-mudahan kita menjadi insan yang beriman dan bertakwa serta selamat di dunia dan selamat di akhirat.

Setiap masyarakat dan negara memerlukan kesejahteraan, ketenteraman dan keamanan. Tanpa adanya keamanan, negara akan menjadi huru-hara dan masyarakat akan hidup dalam kebimbangan dan ketakutan. Oleh itu, pentingnya setiap negara mempunyai pasukan keselamatan atau penjaga keamanan. Antara pasukan keselamatan dan keamanan yang dimaksudkan adalah pasukan tentera, bomba, polis dan pasukan-pasukan yang seumpamanya.

Alhamdulillah, negara kita Negara Brunei

Tingkatkan kurikulum pendidikan pengajaran bahasa Arab



SETIAUSAHA Tetap Kementerian Hal Ehwal Ugama, Dato Seri Setia Awang Haji Abdul Aziz bin Orang Kaya Maharaja Lela Haji Yusoff (kiri) menerima resolusi persidangan daripada Dekan Fakultas Bahasa Arab, UNISSA, Dr. Siti Sara binti Haji Ahmad, selaku Pengerusi Bersama Majlis.

Berita dan Foto : Haji Ariffin bin Mohamad Noor / Morshidi

BANDAR SERI BEGAWAN, Khamis, 2 Februari. - Persidangan Antarabangsa Bahasa Arab di Asia Tenggara diteruskan bagi hari kedua yang kemudiannya diakhiri dengan Majlis Penutup dan Penyampaian Resolusi yang diadakan di Auditorium, Universiti Islam Sultan Sharif Ali (UNISSA), di sini.

Majlis penutup dihadiri oleh

Setiausaha Tetap Kementerian Hal Ehwal Ugama, Dato Seri Setia Haji Abdul Aziz bin Orang Kaya Maharaja Lela Haji Yusoff selaku tetamu kehormat.

Persidangan yang julung kali diadakan itu dianjurkan bersama oleh Pusat Bahasa, Kolej Universiti Perguruan Ugama Seri Begawan (KUPU SB) dan Fakultas Bahasa

Arab, UNISSA.

Terdahulu, ucapan alu-aluan disampaikan oleh Dekan Fakultas Bahasa Arab, UNISSA, Dr. Siti Sara binti Haji Ahmad.

Sementara itu, penyampaian ucapama pada majlis penutup disampaikan oleh Profesor Dr. Saleh al-Shathri yang merupakan Penyelia Latihan Bahasa Arab Bagi Semua (*Training Supervisor of Arabic Language For All*) di Arab Saudi.

Beliau antaranya menyentuh mengenai Perkembangan Bahasa Arab di Asia Tenggara yang meliputi 3 Fasa iaitu Fasa Penemuan Bahasa Arab, Fasa Belajar pada Peringkat Awal dan Fasa Belajar Takhassur. Turut disentuh pada ucapama tersebut ialah cabaran dan masalah serta cadangan yang menjurus kepada keperluan latihan.

Sepanjang persidangan, sebanyak 40 siri perbincangan akademik dalam bidang pengajaran dan pembelajaran bahasa Arab diadakan yang merangkumi ucapama, ceramah perdana, sesi perbincangan meja bulat dan pembentangan sebanyak 37 kertas kerja.

Manakala pembentangan resolusi persidangan disampaikan oleh Pensyarah Fakultas Bahasa Arab, Dr. Salah Seboui, yang antara lain menyentuh mengenai keperluan untuk menyediakan skim / rancangan serta program-program pendidikan yang dapat menarik minat para pelajar dan memperkembangkan kurikulum pendidikan serta penggunaan

teknologi serta kaedah pengajaran moden dalam pengajaran bahasa Arab.

Di samping itu, turut dihuraikan pada penyampaian resolusi berkenaan ialah peluang pengajaran bahasa Arab dalam masyarakat menerusi peranan pusat-pusat jagaan kanak-kanak dan pusat-pusat pengajaran Al-Quran, serta penganjuran siri-siri kuliah, seminar dan penganjuran peraduan dalam bahasa Arab.

Majlis petang itu, turut menyaksikan penyerahan resolusi kepada tetamu kehormat, yang diserahkan oleh Dekan Fakultas Bahasa Arab, UNISSA, Dr. Siti Sara, selaku Pengerusi Bersama Majlis.

Persidangan selama dua hari ini telah berjaya mengumpulkan seramai 17 pembentang dari dalam dan luar negara iaitu Arab Saudi, Oman, Sudan, Malaysia, Republik Indonesia dan Negara Brunei Darussalam.

Persidangan yang memberikan peluang bermanfaat bagi semua peserta turut dihadiri oleh Duta Besar Istimewa dan Mutlak Kesultanan Oman ke Negara Brunei Darussalam, Tuan Yang Terutama Sheikh Ahmed bin Hashil; Rektor UNISSA, Dr. Haji Norarfan bin Haji Zainal; Pemangku Ra'es KUPU SB, Dr. Haji Adanan bin Haji Basar, pegawai-pegawai utama, para pembentang kertas kerja dari dalam dan luar negara.



SEBAHAGIAN daripada peserta yang hadir pada persidangan tersebut.